

漑  
堂  
詩  
集

溉堂後集卷之五

焦獲孫枝蔚豹人著

癸亥五言古詩

燈節前一日李匡侯大叅招同曹秋岳侍郎杜于  
皇葉桐初宴集限暖字

早梅英未折凍禽語猶懶  
鰲臙戰罷歸蕭鼓亂餘綬客  
子畏長醒惟慕竹林伴  
節候已云佳同心復不罕  
聯翩赴良會隱顯齊疎散  
古稀徒空談上壽座中滿  
幸茲遲遲勿爲歌纂纂  
春情方浩蕩遊屐趁暄暖  
別後苦相思詎易門再款

憫墓三首

殉葬

記京師所聞

甲第何栽栽墓門何幽幽人鬼最多處無如帝王州殉  
死自何代至今效其尤神明如造化曾不及王侯王侯  
來相約誰敢復遲留文武逝已遠王法久不修是以秦  
穆公殺人得自由國風存黃鳥蓋欲戒千秋此世乃復  
然天子曾聞不孝子從治命魏顆能相酬君胡昧斯  
理以貽先人遊名駒與寶劍可以報國仇君胡忘大難  
區區爲身謀錦繡火中盡金珠泉下收貴人漸失富能  
無急征求征求苟無厭四境生戈矛釀禍將自茲誰今  
懷隱憂我詩無人聽聽之淚長流

火葬

記嚴州所見

作客屆清明望遠傷魂魄焚尸爾何人山郭燼烟黑或

奉桑門教豈生儀渠國

事見列子

曰此非本心卜擇苦無力

且邀祝融惠朕勝鳥鳶食王道嗟久衰出蚩何足責獨

怪司牧者坐視無禁革司牧讀此書此慘應未識人心

今猶古聽我陳在昔子期焚麋師子西苦相抑燕將火

齊鬼齊軍怒始赫他人且不可忍自殘所戚君欲息此

風此風亦易息請學元豐朝爲園名漏澤

陳適中爲開封府界使者

嘗行部宿陳留佛寺夜聞垣外洶洶若有入聲起燭之

四壁皆嚴蔽野皆貧無以塋者請於神宗并官地數頃

名其地曰漏澤園

記蘇州所見

水塋慘何如禍乃更甚焉灰骨納瓶中然後投諸淵一

炬猶難畢二害誰相憐此俗盛何方目擊聞門前亦有  
僧徒送而無挽歌喧吳人多佞佛或信從諫言從諫古時僧名  
陀林尸可施何分魚與鳶吳農復苦貧力稼質人田既  
無土可負遑問牛所眠二者情雖殊均之念其先我聞  
古孝子覆舟仍抱棺爾親獨何辜爾性豺狼然西域俗  
難革東魯教誰宣養送兩無憾請讀梁惠篇

諭櫂舟者

途險難容牽水深不可篙倚仗惟雙槳邪許聲始高西  
暉漸淡薄北風方怒號努力請向前甘分寧告勞爾勞  
不自訢客能歌且謠不見居官者今豈異爾曹縣令至  
兩司誰免彎折腰縣令用海潛事兩司用嘉靖間顧夢圭事夢圭字武祥崑山人年少登科

後久滯外省非其所樂當語人以北河船者  
尹許之聲曰暇發折此今人以喻兩司官也

輓崔凌岳

兼呈令弟揚州太守蓮生

崑

人亾邦國瘁雅詩曾有云一老不憖遺風俗何繇淳惜  
哉崔先生忽與蒿里親我未識芝眉亦未造龍門云亾  
但可悼遠近情則均哀輓誰最先無如廣陵人廣陵何  
獨然曰此誠有因古來賢太守間有二馮君南郡頗相  
同之亭代之遴榮矣兄與弟幸哉士與民二難如崔公  
一亨乃一屯天既福吾郡何忍禍哲昆不使如馮劉先  
後來施恩復使如馮鴈行斷哀聲聞吾儕實不幸豈獨  
公酸辛况公幼事兄曾並父師尊後來成大名兄教矢  
勿諉今蒞煬帝苑豈藉任棠言膏雨良有自薤露敢同

論

玉山避風館懷李小有

水風鬪未已負販此相守我亦問津人沿堤看楊柳高吟匏葉什三復惟叩否歌罷忽潛然回頭失我友

二

我友工詞賦身癯色復槁已饑非所憂人溺獨悄悄館似魯東門客類爰居鳥無忽險中人此意同范老

三

范老久不作我友復下世富貴徒皇皇鮮見謀仁義篋篋彈閩人橫江有津吏但願臨深者聞此常惴惴

董鼎來生日

秋高菊始華夜永燭方炳石麟降生時何人爲摩頂世  
家鮮由禮多君獨內省執轡如信陵能詩卽蘓頌茲世  
惟貴壯顧余髮垂頰誰能師老馬兼之愛古井衆厭君  
所憐餘生良多幸子奇蒞東阿年方與君等同車皆白  
首使者爲首肯君今將服官吾老日延頸麥丘工祝詞  
華封或難並

癸亥五言律詩

正月二日曾錫侯見過鷺峯寺寓因同訪曹秋岳  
方伯於隣院留飲至夜卽席限韻

春風來昨日客路老吾生詩伯連牆得窮愁住寺輕齒  
難親竹葉余昔患齒止酒交欲抵鶯聲向夕成堅坐因聞話舊



京

旅食何多幸淹留數舉杯謀身卽稽阮傍佛豈宗雷愛  
老稱同調論文仗別裁吳郎亦高興折簡不須催

至

遊展曾無倦春巒翠靄重高吟待花鳥快聚想雲龍

先生有看梅之約余數日後將遊楚中故羨及追隨諸子北海多杯杓南朝剩鼓鐘

買山如得遂曳杖日相從

羅忝軍留宿衙齋有贈

故舊別來久飛揚今若何夢中尋華岳

羅生華州人

遊處愛

清波

杭州有清波門

柳下憑官小花間得句多

出示詩餘

一湖常欲

灑十載豈蹉跎

論文風雨候戶外落殘梅借問西陵友誰如北地才

北地

謂李夢陽叅軍馬難飽處士鶴常來止酒今三月因君數舉

杯

樹上多春鳥尊前是舊交主人忘薄宦童子善爲庖詩

律詢三益

叅軍詩多闕毛推黃改定

鄉心話二峭幾宵容共榻鷄唱

任嚶嚶

張丹吾老友閉戶少逢迎爾得逍遙註休如秘論衡

張

望新註逍遙遊一篇謂喻言道

家修煉之法其說較精於郭註南村文共賞北海座徒

盈正恨頭全白黃金未易成

癸亥七言律詩

正月四日過曹秋岳方伯寓齋值程穆倩杜于皇

王安節同至留飲限晴春二字

白髮蕭然坐舊京紛紛拜節趁天晴  
鷺峯寺裏僧皆出桃葉津頭草未生  
客喜吟詩逢子建吾知對酒愛公榮  
請看六代繁華地無數寒鴉古樹鳴

圍爐日許伴親賓積雪窓寒不似春  
敢比崔韓來往易

韓退之酬崔十六詩有云  
賃屋得連牆往來欣莫問

應憐黃綺姓名陳輕肥正滿

長安陌唱和偏偕草野身可惜史才閒袖手

秋岳先生  
以史才兩

磨薦舉堅  
卧不出

惟談往事共傷神

酬王安節人日雪中代簡次來韻

僧舍春風亦不遲春遊合讓少年時  
念山尚有乘龍壻道路偏憐老馬知  
欲返草堂無計策徒勞人日寄題詩

眼中誰是楊修誤正對陳思酒滿卮

附王安節詩

梅信江南開較遲快逢徐庾到同時

時秋居舟人雨

新年雨雪千門閤舊事繁華二老知頓啓清真懷古

眼儘多關繫看山詩僧窓今日逢人日應把成都酌

一卮

金陵舊有人日拜楊會揚叩升菴修撰也

贈馬見五摧稅浙闕

尋嘗月旦論人物

許邵好異論鄉黨人物見五與子同鄉

久爲談經愛馬

融賢者爲關惟禦暴鄉人作賦愧雕蟲

陳琳見張紘賦曰此吾鄉人所

作政聲最羨帆檣滿兵氣初銷道路通聞說往來諸估

客歡欣似遇鄭公風

過南市樓有感

淮泗真人初定鼎，賜酺開宴此江頭。  
柳垂南市鳴天馬，花艷當筵見莫愁。  
官妓不殊唐宋世，文儒正滿帝王州。  
可憐聚寶城門外，十四樓今剩一樓。  
南市樓金陵十四樓之一也，洪武初於聚寶門外建，輕煙淡粉，梅研拂翠，十四樓以聚四方賓客，揭軌有宴南市樓詩二首，永樂中晏鐸金陵元夕詩云：花月春風十四樓。

舟中感懷

萍踪又抵越江湄，小泊橋邊待午炊。  
屈指船居多似屋，驚心鷗戲豈如兒。  
日高鷺戶收桑葉，風定漁翁唱竹枝。  
羨煞爾曹生計穩，鄉關到老不曾離。

尊宿菴雨中遣悶

久居僧舍寡招尋，簷溜那堪助苦吟。只怪羲和全失職，誰知屏翳是何心。乍寒乍熱天如瘧，含怨含愁鳥似瘖。獨立寺門閑望遠，濃雲猶自滿蒼岑。

雨中留別尊宿菴

三月鶯花難得見，四山風雨易相隨。門因畏虎關常早，客久無魚去已遲。遠憶蒲鞋將母者，回看樟樹拂雲枝。臨行爲爾踟躕甚，此路重來更幾時。  
尊宿嚴州開元寺斷除禪師俗姓陳名道明本郡人嘗攜蒲鞋以養母人稱爲陳蒲鞋今菴其養母處也

七里瀨

栖栖到處但憂傷，景物今朝助老狂。一水奔騰如野馬，四山包裹似行裝。工吟那易追靈運，涉險還應讓呂梁。

謝靈運有七里瀟詩又  
可惜實心曾未足風帆難落釣  
臺旁

### 山中鳥聲

老向亂山堆裏坐閒於羣鳥語中行頻聽古寺喧如寂  
預卜來朝雨欲晴道遠無書憑鵲報身衰多病怯鶯鳴  
門前久不逢車馬親舊如何讓友聲

### 僕嘆

王正思歸僕喟然此中安得買山錢水痕尙在高樓上  
嚴郡去歲五月十九日大水陡  
至淹沒六縣居民不可數計  
城堞多傾野草邊敢恨  
吾身無倚着愁看萬戶摠顛連何時虎豹龍蛇遠再有  
周公制井田

詠走馬燈

金戈鐵騎爾何功來走遊人笑語中  
千里那愁冰與雪四蹄惟以火爲風  
行空便可稱天馬好假何須晒葉公  
從古儘多兒戲事棘門霸上也相同  
纔見龍燈焰舉杯還逢駿足似龍媒  
入燕誰要千金價避楚惟防一炬灰  
笑指將軍憑婦女欣看躍馬是提孩  
書生獨有驚心處忽憶崑崙破敵回

詠老人燈

形容枯槁影郎當怪爾趨炎意未忘  
共指紅燈爲絳縣虛疑紫氣出丹房  
無心焰鏡髮千丈有客招魂紙數張  
世上如今方賤老逍遙塵市復何傷



慨堂後集

卷之五

八

雨後同宋价祝遊小祇園值主僧偶出

九十春光轉眼空山頭開徧映山紅

野名

城經巨浸郊

園少客喜闌行布機同澗水聲喧風雨後煙樹色滿寺  
門中招提偶爲看松竹漫比東林謁遠公

幾月僧扉只畫扁遊人跡少古苔青一枝竹筍留荒徑  
兩樹茶花對廢亭衣食事忙誰問法鐘魚聲寂久聞經  
歸途何處徘徊久野水紅萍間綠萍

慕鶴鳴中丞卜居吳興往謁留贈

頗愛園如綠野堂人傳公在峴山旁閒遊未可耽蝦菜  
大廈終須倚棟梁憶昨白眉爲屬吏

謂先兄

曾蒙青眼

吟同鄉回頭屋上烏安往莫怪相逢淚數行

王玉倩携具飲于黃鶴樓

難逢勝蹟近城闔復置清樽宴客身解悶忽聞王子論

太白詩復兼王子持清論有似山開萬里雲四望青天解人悶食魚須買楚江濱壺中

酒似辛家酒樓上人誰鶴背人

報恩錄江夏辛氏沽酒爲業有一老生魁偉藍

纓多負酒責因取橋皮書鶴於壁拍子歌之鶴輒下舞觀者遠之金累萬他日先生復至取笛數弄須臾白雲自空飛來遂跨所書鶴而去處世漫同狂鼓吏芳洲入

望一傷神

黃鶴仙踪尙在茲仙翁跨鶴竟何之笑尋飢卒求丹處

愁見江豚拜浪時世人非官柳盡鄉關路遠客身衰

詩名縱使如崔顥不抵終朝酒滿卮

登臨亦足快平生老日偏深弔古情陶廛名存片雲過

江表集卷之二  
孫劉事往夕陽明一水潮通巴子國萬家煙合武昌城  
兵船絡繹漁船少不怪樓無玉笛聲

贈董鼎來

公子寧惟八士奇家聲特被九重知順親何似先求友  
虛已偏能自擇師欲福閭閻須異政莫雕肝腎爲新詩  
老夫慙愧文中子房杜功名任爾爲

癸亥七言排律

投贈余佺廬開府

帝念東南杼軸空麟符龍命幾人同福星忽炤江淮上  
鳴鳳纔離殿陛中裴度新膺留守任公權舊有諍臣  
風升遷屢見羣鳥集彈壓能令百怪窮紫電清霜推武

庫騰揚虎視本文雄登筵有士皆張仲識面何人得李  
邕無數歡顏依廣廈惟餘賤子尚飄蓬上書欲效襄陽  
客謀食誰憐栗里翁數仞牆高今在望千金帚敢言  
工別來裴葛經頻換歸後魚鴻那易通老驥徒然逢伯  
樂衰桃自覺辱梁公已未自誤此時心似朝宗水一葦  
欣迎海日紅

癸亥七言絕句

望金山懷舊

萍踪未易遂躋攀尙記同心舊往還曾是霧堂讀書處

此山吾欲比匡山

李叔則有霧堂集人附霧堂先生

瞻昔論文明月夜兩人狂飲妙高臺著書可恨多胡旦

慨堂後集

卷之五

十

仗劍曾難遇柳開

胡旦爲淮清造春秋編年一書邀潤州守柳開於金山觀之類自矜開拂

索開編未暇閱仗劍叱之日小子何革輒敢竊聖經之名冠於篇首今日聊贈一劍爲妄作之戒語訖俄逐旦且急投解艦鋒幾及之見玉壺清話

對金山城堞有感

江心雉堞尙崢嶸山下曾看海艦行詩客可憐逢世難

虎丘當日也修城

明初柳經詩虎丘山前新築城虎丘寺裏斷人行

雨舟望海烈婦祠

戲水羣兒樂意多桃花獨奈雨風何毘陵依舊艍船滿

烈婦祠前咋舌過

吳荅賢有艍船婦詩爲海烈婦作也

過富陽

舟虛水急布帆輕兩岬青山入眼明指點山前花發處

春風吹過富陽城

過釣臺有感

十丈高臺一水濱  
羊裘何物應星辰  
世情誰重垂竿者  
只重君王是故人

七里灘頭百感生  
閒將往事語同行  
千秋豈少文丞相  
無復西臺慟哭聲

聞子規

夜半山中一鳥鳴  
苦將歸去勸書生  
此聲曾滿居庸路  
至正十  
六年事齊指江淮赤氣明

客孝豐縣作

嘉名此邑真難得  
過客惟予未忍聞  
老不還鄉省墳墓

貧常在路舍耕耘

放生菴贈主僧

多病山僧卧草菴長貧客子滯江南  
栽桑讓爾能餬口買葉家家正養蠶

贈賈山人

俠性從來重友生懸壺屋小坐常盈  
酒錢應爲參苓盡藥市何人是宋清

何事蹉跎漢水濱年年似我不歸秦  
醫和色戒誰能守晉侯求醫於秦秦伯使醫和視之曰疾不可爲也是謂近女室  
此地曾來解珮人

處士丹青不易爲司空昔日最相知  
梁子遠少司空畫

有應酬皆如今儼得一墨佳不是登樓去梯時  
建閣樓

爲誌所每當染  
毫必登樓去梯

老客苦遭婚嫁忙須煩畫幃洗愁腸斯時若得并州鐵  
不剪吳淞剪武昌

閑坐黃鶴樓下誦太白聞笛詩因成自幸一絕

聞笛他鄉意灑然自思福命勝前賢翰林當日爲遷客  
何似蓬蒿到老年

甲子五言古詩

白華樓詩爲方氏昆弟賦

朝亦誦白華夕亦誦白華兄弟惟三人孝養情無涯構  
樓得佳名不在儉與奢願母享眉壽長此看雲霞

二



前日登此樓風日何清美今日登此樓雲慘風不止門人廢蓼莪慈母歸蒿里燕雀竟何知依然聲歡喜

三

我愛顧德輝曾建白雲樓泰母居其中經聲無時休白雲易變滅母亦歸山丘今古有同悲勗哉繼前修

贈劉子業封君兼祝生日

中山迎鼎處下有高人居往來惟羊求適興惟琴書問年近耳順勿使樽中虛忝廁稱觴客勸飲增躊躇借問長平坂請看白公渠遺蹟自秦漢到今漸多蕪惟有逍遙公盛名傳里閭曳杖山水間不樂何所須有酒不待給韋臯況不如

勸飲今何方乃在江都縣生辰十月中八月集親串郎  
君爲茂宰佳政羣所羨旣遵詩禮訓頗勝筭魚饌送翁  
歸函關紫氣將再見翁笑謝賓客異乎老子撰加年慕  
仲尼

朱子謂假我數年史記作加我蓋是時寡過希蘧

孔子年已幾七十矣五十字誤無疑也

瑗還語滕下人爲政常無倦自喜勝薛宣此路多留戀  
建隆寺訪遠峯和尚

懶覺觀心易拙任知音寡萬事老無成往來愛蓮社香

山豈欺我栗里吾師也微尚復難遂遠遊歷冬夏歸來

逢舊雨

謂徐松之

寄食云蘭若首稱遠峯師說法兼風雅示

我碧雲句頗勝斷髮者隔日訪其廬乃在城西野絢懷

建隆榻

宋太祖曾留御榻寺中

尙餘彰武瓦讀碑已識王

寺在王禹偁碑

記問殿還唾賈寶祐間貴鎮道鎮神宮有興廢况乃塵

緣假卽此得了義願將一切捨何必更開堂喝聲震聾

啞時當九月初黃葉走階下坐久各無言味不厭莽櫝

昔茶名歸城惟數里客愁已盡寫從茲來易數况有詩堪

把

贈張山來兼呈徐松之處士

客居其蕪城識面始今日浮萍常在水芝蘭常在室以

此成隔絕三徑增蕭瑟子貌何清臞子詩最後逸傳經

慕劉向尊人黃岳先生藏書如李泌終歲惟掩關固宜富著述

維昔杜陵翁萬卷供下筆謂詩不關學豈非嚴之失嚴

浪詩話詩有別才非關學也時賢吁可怪讀書乃不必論甘或忌辛

五味但知一觀子用心異春華兼秋實經營意中陶早

能樹榛栗

山來有意中陶全集自序

徐老知味人與子獨親暱論文

諒同心詩品何時出

松之有石案詩評之刻

秋懷詩十一首次韓韻

憶昨泊江岸蕭葉方疑疑歸來效程曉嘲客非得已避  
暑曾幾時秋聲忽盈耳團扇棄篋中不復其眠起四時  
有進退與汝亦相似任運豈不空壯健苦難恃從來老  
與病相尋如一軌我老幸無恙雖貧差足喜

二

桐柳如衰翁顏色何憔悴九月須授衣不必居幽地不  
聽促織鳴懶婦久自恣女工固難緩教兒豈有異膏火

涼可親愁聞市價貴

三

踪跡苦飄零志意空靡曼依劉如仲宣適楚豈亞飯纔  
離鄂渚舟未遂五岳願婚嫁老難罪對食能無歎憶昔  
少壯時倚馬言可萬到今自愧悔不足備文獻貧賤分  
固然沒齒復何怨

四

出城展遊眺秋山何淒淒鄉園不得往有身如癡蠅偶  
入少年隊衰醜羣所憎還歸坐書堂寒雀鳴瓦稜農夫  
亦有來漁人亦有曾俯蓄四十口自問吾何能

五

海寒燕摠歸露重鶴知警志士悲日短豪家愛夜永貧  
久安顏蠲遇豈羨王猛無田不買犁有井且垂綆長飢  
得壽考豈不絲天幸市近求易遂焉能就幽屏

六

屏風畫古賢乃是商山景我髮同皤皤我心自罔罔愛  
彼山中芝厭此道旁梗跳九仞如梭隙駒疾於騁閤散  
幸至老免向君王請

七

明鏡久不磨美人嗟塵暗良友在遠方我亦同斯憾泥  
深須爾輔墻低慮衆瞰古時君子交雖然如水淡當其  
其困厄乃別真與濫秋雨一何久我飢亦非暫望救如

危舟誰繫風中纜  
閣綰架上書取古  
白校勘空剩陶潛  
瓶那異揚雄甌

八

雨洗秋容淨菊香  
滿前軒軒中讀書  
客老至厭馳奔虛  
名何足競怪彼詩  
人言恥居王之後  
愧在盧之前布帛  
與菽粟常可衣而  
餐道德苟不進記  
誦徒簡編先師及  
門士豈不有三千  
四科惟十人回憶  
常辛酸勗我兒與  
孫慎勿貪晏眠宵  
長不易得幾日成  
殘年

九

好物忌違時荷枯  
池亦乾却視夏簾  
色誰愛青琅玕此  
時畢卓手蟹不論  
尖團我貧惟蔬食  
舉家亦能安江海

不生風何絲興波瀾聲色兩無嗜何必求丹丸誰能頭  
雪白還欲誇據鞍

十

萬物齊結實鳥雀多歡聲我今不行路亦愛霜華明  
彼勢利場祈福誰不誠及其取禍患往往絲滿盈何哉  
哭窮途乃是阮步兵賤或愈於貴哀或愈於榮勿學長  
息輩徒爲人使令

十一

秋色滿天地霜葉紅正好商飈每夜吹老人起常早能  
歌讓餅師得錢付酒保爾輩有職業焉得受枯槁多男  
徒多累戚戚向誰道



淮陰集  
詠史詩

甲子十月揚州作

堯

古書難盡信輕信不如疑帝堯微服事正史多刪之豈  
有五十載治否不自知乃事康衢遊但聽歌謠爲觀華  
復何據莊周之蔓辭

舜

巡狩勤有虞柴望通幽杳封禪徒附會遷史踈且剽一  
歲徧五嶽海內曾無擾徵求絕不聞可知兵衛少文中  
問舜一歲而巡五嶽國不費而民不勞何至治况無爲  
也子曰無他道也兵衛少而徵求寡也

聖德誰能紹

禹

夏諺何時作惟恐王不遊大禹昔東巡但因會諸侯或  
云黃帝時藏書山之幽禹來訪其處乃登衡嶺頭會稽山一  
名衡山謂上應玉衡也吳越春秋禹會計本所急餘說  
聞黃帝藏書於此乃東巡登衡嶺徒謬悠

### 太康

后羿雖逆臣太康實自取洛表何足娛畋遊亦太久一  
犯禽荒戒邦國忽不守夫豈不怨悔永列弟與母史記注孔  
安國曰太康五弟與其母待太康可惜五子歌作於十  
於洛水之北怨其不反故作歌句後

### 昭王

祖德本難恃民情大可懼成康恩最深昭王溺於渡非

風亦非浪曰惟膠舟故巡狩乃舊典豈料有此誤諸侯遠未聞周人諱不赴

穆王

穆王有侈心八荒近且臨宮殿生青苔轍迹靡不屈豈不樂瑤池酒半聞長咽諸侯無所向徐子安足怪歸來作史記鑒昔吾知戒

穆王歸定徐亂乃作史記自殷記中歷序古來國之所以亡者凡二

十六

始皇

六國旣已平秦皇心曰驕所求惟不死得以長逍遙驅山將塞海渡浙欲置橋丞相夫何事篆書技頗饒功德徒有頌禍患誰能消

武帝

漢武昔微行栢谷幾不免雄才恣意多英年慮禍淺如  
何信方士岳瀆徧遊衍不嫌悟性遲且喜悔心轉呂政  
難並譏姬滿庶同善

煬帝

煬帝聰明人性復好著述當其至雲中百物最豐實賦  
詩啓民帳漢世不足匹煬帝詩何如漢天巡幸何太頻  
富强從此失至今江都俗繁華稱第一

唐太宗

太宗務义安恥居漢文下初華臣請封禪太宗不許曰  
封禪後世豈以文帝百官請封禪既許還復罷所守雖  
之賢不及始皇耶

不固侈心終易化

百官復請封禪詔許之以太常卿韋挺爲封禪使後因星孛於太微乃復

老日語東宮天命難悲藉慎勿效行遊供頓煩區夏

太宗語太子有云行遊四方俱頓頓勞此皆吾之深過勿以爲是而法之

高宗

高宗昏內治焉能悅神人雖罷涼州行後來復東巡普

感如鳴鳳當時稱直臣

上既封太山欲遍封五嶽監察御史龔行李善感疏諫天下謂

之鳳鳴朝陽

大權歸房闕帝乃一閤身五嶽遍亦得誰能知

此因

明皇

明皇幸東都不遑顧太廟輔臣雖曲說氣味自相召東

封議誰唱異時乃同調

姚崇既曲說四室之毀張說復首唱封禪之議是時明皇尚勤

於政事而邪心所召良吏得三人民病稍可療酒酣聞  
已至如此可不慎哉上酒酣謂張說曰依州刺史王丘儉  
德音亦勝遠奉詔奉之非無所執魏州崔沔供帳無  
瑞請示我以儉濟州裴粹卿去數百官莫非  
規諫如三人者不勞人以市恩真良吏矣

### 宋真宗

真宗晚易惑佞人心所喜因觀會計錄不覺生驕侈水  
發兼火災東封復西祀惜哉王文正王旦因受美珠遂  
有愧林處士歿無封禪書詞好意更美林逋詩茂陵地  
自無封禪書

### 甲子七言古詩

### 題屏風十二圖爲友人壽

### 孝養圖

慨堂後集

卷之五

九

虞詡早孤孝養祖母縣舉順孫國相奇之欲以爲吏  
詡曰祖母九十非詡不養相乃止位至尙書

梧桐已老孫枝壯慈竹生孫勢可伏世間祖母憐孤兒  
所願成人藉孝養長大肯念含飴時策名皇皇惟恐遲  
亦知報劉日最短到手富貴誰能辭我受順孫慕虞詡  
晨昏不離九十姥他日尙書位頗高榮華那用忙求取  
訓子圖

柳公綽在唐公卿家最名有家法中門東有小齋非  
朝謁日平旦輒出至小齋與賓客常會食其中諸子  
皆束帶晨省於中門之北自旦達暮燭至命子弟一  
人執經史躬書一過訖及講議居官治家之法至人

定鐘然後歸寢諸子復昏定於中門之北  
一代公卿好家法唐惟柳氏何謹嚴藏書數千卷兒孫  
箇箇皆沉潛沉潛是天性義方亦可敬文不尚浮華書  
不讀非聖小齋只在中門東賓客會食惟齋中夜寐懷  
衛武待旦希周公中門之北子弟羣立晨秉燭出昏秉  
燭入仲郢作兒珖作孫是父是祖榮且尊

睦族圖

范仲淹輕財好施尤厚於族人既貴後養族中貧者  
日有食歲有衣婚嫁有助自政府出歸姑蘓焚黃搜  
外庫惟有絹三千匹錄親族及知舊散之皆盡

木葉油雨露所滋既庇其本亦及其枝人生富貴忘



宗族胡忍使吾身不如凡草木范家出貴人當時舉族  
無赤貧政府歸來老幼喜故衣未盡令復新男得婚女  
得嫁愁煞裁縫忙到夜

好施圖

魯肅淮東城人家富於財時天下已亂肅不治家事  
大散財貨以賑窮結士爲務周瑜爲居巢長將數百  
人候肅併求資糧家有兩困米各三千斛肅乃指一  
困與周瑜後肅位橫江將軍

世間萬事須財貨太平時少亂時多生兒慷慨亦堪賀  
多少富兒金滿屋一門飽食千門飢獨把功名讓魯肅  
數百人來困可指橫江將軍功爛然只爲能交天下士

名昭丹青何灼灼若使當年但守財老向東城驅風雀  
敦信圖

范式字巨卿少遊太學與河南張邵字伯元爲友二人並告歸鄉里式謂伯元曰後三年當拜過尊堂乃共尅期至期伯元白母請殺鷄爲黍以候之母曰三年之別千里約言何期之審也伯元曰巨卿信士也必來言未畢果至

世人旌信指白水欺水無知復無耳兩雲只在翻覆間朝暮視之已久矣范張有約何其迂年歷三年里千里阿母所惜非鷄黍但笑兒癡乃至此兒不癡心相知鷄未殺故人來升堂下拜慈顏怡

愛客圖

顧德輝字仲瑛輕財好客卜築玉山草堂園池亭榭  
之盛甲於吳中日夜與客飲酒賦詩一時四方文學  
之士咸主其家焉會稽楊廉夫爲作玉山雅集圖記  
玉山佳處亭臺多復有文士同切磋臺對湖光與山色  
亭名絳雪還綠波何以娛酒友金鳳箏聲乍出簾銀盤  
鱸膾纔離筍何以燕詩朋奉肴核者一香秀聽觴令者  
小瓊英此事到今三百載看畫依然道人在仲瑛自稱金粟道人  
乃知愛客計非迂贏得盛名山水俱此畫何如雅集圖  
我才亦愧楊廉夫

持儉圖

韋質字敬遠魏明帝賜號逍遙公時宇文護方柄國  
廣營第宅質誦峻宇雕牆語諷焉弟孝寬總管延州  
迎質至將還以所乘馬及轡勒將之質笑曰昔人不  
棄簪屨吾寧乘舊馬歸耳宣帝嘗問立身治國之道  
質對曰傳不云乎儉德之共奢惡之大

逍遙公騎舊馬延州總管其弟也贈以所乘肥且良歸  
路山多高復下弟意誠佳兄一笑簪屨雖微古難舍逍  
遙公輕爵位用作霖雨公無愧尚書特誦宇文峻宇  
雕牆請熟思更蒙清問賀吾君立身治國無難事古云  
惟儉德之共臣知其一不知二

逸致圖

魏野字仲先居州之東郊手植竹樹清泉流庭宇還對皆雲山前爲草堂彈琴其中出則跨白驢真宗以大臣亟薦諂長吏存問中使還言野林居之勝命工圖其居觀之故野詩有幽居帝謁看之句

水潄潄林木邊山峩峩家門前中有洞名樂天前有堂可撫絃朝起放鶴去暮跨白驢旋朝有大臣能薦賢惟

王魏公

與寇

萊公

同拳拳得一知

已人無恨先生惟恐

妨高眠上方幸汾陰祀泰山臣無封禪草用臣乃徒然幽居祇自適何意得入重瞳看車朱轂馬金鞍長吏至中使還使我柴門難盡關七人何慕來此間君不見父名野子名閻

雅量圖

韓忠獻公琦字稚圭有玉蓋二每宴客藉以錦一日  
召客宴酒方行吏誤觸碎之坐客皆驚但吏叩頭請  
罪公神色不動笑謂坐客曰物成敗自有數顧吏曰  
誤也非故也何罪

千乘國雖大或能勉而讓寸璧忽失聲於斯規器量官  
居卿相最尊貴獨難爲者羣侍吏莫言吏最賤莫言吏  
最危稚圭能諒汝玉杯成毀非人爲坐客聞言齊贊嘆  
前賢已往今重看劉寬朝衣孟敏甌豈若茲杯堪寶玩  
飼嬰圖

葉夢得云予在許昌歲大水奏發常平倉賑濟活十

餘萬人惟棄兒無法救之偶問左右無子者何不收養曰願子者固自頗思歲豐及長而父母來認耳因作空券數千印給內外凡得兒者自言所從來明於券畧爲籍記使以時上數收多者賞且分常平餘粟量給貧者爲貲事定稽券凡三千八百人

蘇公餉棄兒賴有剩糧數百石劉公餉棄兒但因受祿

有餘積

蘇軾知密州盤糧寬利得數百石專儲以養棄兒劉朔調溫州戶曹計口受祿以其餘救飢疫

兒棄

兩公美意頗相類曾無良法垂方策法意相兼惟

葉公滿路忽多螺贏蟲朝給券暮給券三千八百人無恨東家兒西家兒長大問兒兒不知

恤下圖

陶潛爲彭澤令送一力給其子遺書曰汝旦夕之費  
自給爲難今遣此力助汝薪水之勞此亦人子也可  
善遇之

人生受命有貴賤無異風吹三月花或飄朱戶錦茵土  
或污溷廁沾泥沙僕隸雖賤虛不可加王褒僮約斯言  
之取彭澤書一紙萬古在人口一紙語無多恤下意則  
厚遣力代兒薪水勞將行不行力回首問渠何所望纔  
是爺娘相送後力乎力乎亦人子長者之言力知否

澤物圖

蘇軾當西湖秋涸東池魚窘甚因會客呼網師遷之  
西池作徙魚詩有云安知中無蛟龍種尙恐或有風  
既望後集 卷之五



雲會明年春水漲西湖好去相念渺湖海時黃魯直  
陳無已俱有徒魚次韻詩

東坡居士非詩人流水長者之後身西湖徒魚詩有神  
誰其和者黃與陳從此兩池無釣綸明年潮長魚知津  
唐代放生池久湮刺史誰如孟簡仁公到此湖須有因  
天要龍子成龍鱗十千天子福命均爲霖長救浙中民  
金光明經流水長者見湖池中有十千魚遂將二十大  
象載皮囊盛河水置池中又爲稱說寶勝佛名後十年  
魚同日升忉利  
天是諸天子

過雙忠祠訪陳睦宮留贈

不學農不學圃老守雙忠舊祠宇

雙忠祠 祀睦宮之  
祖永平同知諱輔虎

一祀大理卿  
高公諱襄白四時八節跪焚香白髮滿頭淚如雨祠內

搏茅齋雜花亦映戶夜寢何太遲吟聲驚隣姥問君豈  
無家壁立云猶愈問年七十三齒堅腰不使我聞榮啓  
期知樂不知苦君今處世正相同酒錢且付當壚數單  
眠那要樂天妻故鄉况勝伯通廬

不佞佛不禱神忠臣廉吏之後人遠方徇舊莽嘗少叩

門曾有膠州民

陳公輔堯曾任膠州五月有遺愛於州人旋陞任永平臨難自刎死後膠之

土民塑公遺像過廣陵瞻仰皆前樹還復回首頻甘棠

哭千家宗元鼎爲立傳瞻仰皆前樹還復回首頻甘棠

雖在路比此色更新問君曾仕否暮齒何辛勤再問有

子否天道竟誰親我問昔向平苦遭婚嫁喚膠人此語

未曠達焉知富固不如貧杖頭况似阮宣子樽前且學

劉伯倫

哭方子雲

思君未見君忽聞玉樹埋土中我老久無淚但坐而嘆  
驚兒童年驚問婦女笑怪我與君非久要哭君是公  
不是私婦女兒童年焉得知不見皮襲美曾徵悼鶴詩鶴  
是皮家素所愛李張陸魏同傷悲李殺張貴陸龜蒙魏  
朴俱有和悼鶴詩  
首人中之鶴非君誰

世人愛韓信往往思漂母梁鴻名既傳伯通亦不朽古  
來賢俊多長貧富者相視如埃塵歌兒衣錦繡賓客憑  
懸鵝一朝身死去空餘倉與困我未識君面哭君蓋有  
因君是東陶詩老之好友新安程生之主人漂母伯通  
難更得何怪遠近齊沾巾詩老謂寶賢  
程生謂雲家

我愛惻軒集乞藥一篇詞更美天意要全孝子身險阻  
脩嘗君不死馬嶺到白岳間修八十里暮往尋醫朝必  
返虎嘯猿啼夜滿耳父病一月始得瘳朝朝暮暮兒如  
此此事聞君年少口嗚呼曾幾今不起弔客自悲君自  
喜得與吾翁相見矣

附東洵詩老贈方生乞藥詞

乞藥乞藥父病馬嶺醫住白岳白岳暮去曉始來一  
月去來三十回峭壁陰長山月落松風瑟瑟猿啼哀  
不愁草中出猛虎只愁堂上卧老父低頭嘗藥雙淚  
垂藥味不及兒心苦

海濱斥鹵鄉絕少花與水君如吹律人陽春生黍谷玉

蘭花發時聞君每夜花邊宿此花亦何幸得比林梅與  
陶菊入手聖賢日不虛滿眼實勿況不俗嗚呼君今歸  
北邙墳上蕭蕭惟白楊舊時歲歲啣杯者再到花前應  
斷腸

溉堂後集卷之六

焦穫孫枝蔚豹人著

甲子五言律詩

贈景陵錢明府子脩

本是金門客初如葉縣仙  
高才無不可吏治復喧傳  
小緩雲間翮勤張几上絃  
工詩潘與陸作令亦當年

二

詩人錢起裔愛客鄭莊同  
世久輕文雅君今見古風  
牛忙春雨後犬懶月明中  
治下多賢士誰如桑苧翁

汪長玉招同徐松之閑賓連汪虛中扶晨程飛濤  
諸子飲郝氏園亭

把酒重陽後遊園古寺中園在天寧寺內霜遲無落葉臺迥見  
冥鴻老耐光陰變才輸句法工主人情最好賞菊愛詩  
翁

顧書先雨中携尊過劉升如次山樓招同杜于皇  
徐松之宗定九夜集

風雨催寒早携尊傍暮鴉一爐新試火十月尙開花前樓  
見八爛熳吟偏好顛狂老更加商顏卽此地四皓在君  
仙花  
家  
生中  
十八  
余與  
定九  
同六  
十五  
松之六

憶故園弟姪

檢點平生事雖貧亦灑然書堪供下酒硯足代耕田野  
性公卿識虛名郡國傳惟嗟諸弟姪無計與團圓

甲子七言律詩

贈武昌亢郡丞

佐郡清廉按縣回，何妨坐嘯暫相陪。  
題輿曾是陳蕃事，岸幘誰如謝弈才。  
月出南樓明客座，風生官柳舞城隈。  
武昌山水多佳境，司馬從容日往來。

水詩  
酒間

白樂天云惟司馬  
綽綽可從容於山

贈張武仕別駕

鳴珂里巷記曾遊，總角英姿已罕儔。  
今日腐儒徒老大，相逢別駕最風流。  
勸農堤滿陶公柳，門陶侃曾種柳武昌時武仕攝太守。  
携客樽開庾亮樓，誰愛武昌魚味美，愛看冰玉且淹留。

留

武仕爲家風公塔  
時威公亦在署中



遇宗弟威公話舊

論交四海皆兄弟，況遇吾宗誼倍親。  
鴈序光輝真忝竊，龍眠甲第最嶙峋。  
梅花煖處南枝盛，竹實殘時老鳳貧。  
向自攜手庾樓閑話舊，他鄉暫得慰酸辛。

春分前一日龔首驥俞潔存蔣佩若招同方渭仁念博李仁熟羅魯峯遊洪山寺限文字

邨舍桃開春又分，祇園坐望楚江濱。  
臺邊鳥路連樵路，塔上山雲逐水雲。  
詩興發時禪板靜，客愁空處妙香聞。  
何年却入宗雷社，止酒慵論屈宋文。

送俞潔存遊滇雲

與君相見慰離思，纔和洪山寺裏詩。  
忽報東裝辭鄂渚，

因聞訪舊向滇池孔明元禮勲名大

滇中有孔明碑

金馬

山銀龍

江名

景物奇麗後土風非昔日能無觸目念瘡痍

二

正好持尊共聽鵬吾衰况復畏分携論才合冠芙蓉幕  
善賦休將鸚鵡題白石江頭雲渺渺青蛉縣口草萋萋  
思鄉望遠情應切且喜年來罷鼓鼙

贈胥怡菴

名遇

野老焉知萬戶侯新交今是舊荊州望中咫尺甘棠地  
行處尋常漢女遊其說陳蕃曾下榻應憐王粲尚登樓  
追隨屐齒真多幸况聽高吟足散愁

家威公邀全胥怡菴太守王穆公山人夜飲黃鶴

既堂後集

卷之六

三

樓

乘燭宵遊慕昔賢雨飄辛氏酒樓前孤舟吹笛頗堪聽  
飢卒抱關猶未眠市見東坡詩幾點漁燈明隔岸一聲鷄唱  
徹當筵歸途共踏朦朧月變幻須臾笑碧天

贈荊州太守許可菴

未識荊州長自愧時聞佳政道途中清名共說如胡質  
絳帳應能笑馬融澤舞仙禽賓易醉邵有鶴澤羊估鎮  
客塵存寶軸字難同夷陵故有寶軸秘雨藏塵寶中  
藏書誰復齊田氏好向江陵問寓公田偉流寓荊州藏書至五萬七千卷

可菴方樓求異書故引及

武昌遇莫大岸卽送之遊江南

客子將歸似倦禽相逢意外舊知音嵇康潦倒何如昨

李薦艱難忽自今

時有四喪卡舉

七十應無負土力

用詩致負上成墳事

交遊誰有脫驂心此行免下窮途淚泗守知能重竹林

令姪莫崧皋昔爲泗州守

### 江邊送春

濃艷春光忽告辭  
家中惟有老人悲  
再逢青帝緣難定  
忙典玄裘餞恐遲  
怨欲同嬌鳥意恩深  
曾徧好花枝  
無情漁父欣相語  
幾日鱗魚出網時

### 泊八里江遇午日

雖然挿艾非門首  
不恨留人是石尤  
山水無如湖口好  
風波况使客心愁  
雄黃自碾醫家日

陸生宋迪公同舟

白酒初

香野店筍泊處，盡船三十隻，喧爭只未見龍舟。

舟中晚起和白樂天

卧黃天池官舫作

盡舫朱門意畧同，全忘身在大江中。僧船來化十方米，客夢驚回一畝宮。起揭牀帷常見日，泊依蘆荻易聞風。朝朝鼓吹非因我，莫認高眠似白翁。

六月一日抵家

衰老歸逢六月初，飯疏飲水樂何如。貪眠亟展新携簟，慮蛀須搜舊閱書。程曉門前防襤褸，陶潛屋外愛扶疎。回頭却憶江湖客，船小人多不可居。

送徐松之之潤州兼寄懷何雍南程千一

江上人家正采蓮，送君獨上木蘭船。竹西歌吹聽應厭。

北固煙雲醉可眠  
擊楫久知無祖述  
結廬那易學焦先  
應惟詩友如丁卯  
相見橋頭憶往年

贈宗定九呂渭叟

有序

親友中惟定九渭叟與余同生庚申年今皆六十五  
歲人矣余自闕寇入關時焚棄帖括甘心提圖得不  
早委溝壑未嘗不自幸也眼睛以來益不復親燈火  
以爲老態固宜然耳而兩君五六年俱舉明經出  
仕將有日矣乃鬚髮雖白志氣未衰聞其尙覓舉入  
閤曹孟德云老驥伏櫪志在千里非斯人之謂乎因  
賦詩以壯之

破浪垂綸志並雄  
誰言宗呂兩衰翁  
槐花黃處忙仍劇

澗堂後集

卷之六

五

棘刺圍時賦更工遇主都驚知路馬愁寒應笑絡絲蟲

句自 同生獨老前賢有崔相劉郎勝日公案天詩河事

老於崔相

嫁衣臨老更新鮮人着何如自着便唐詩爲他人作穠

着也 不信朱衣惟愛少何妨白髮始登仙偷桃舊事吾

思朔養馬新恩孰姓田用田于方 一榜若能收二妙同

年真箇是同年

查二瞻七十

七十誰如體更輕登高不要杖扶行生辰重陽 晝情白

眼看羣少夜據烏皮到五更二瞻書齋皆 濫用酒錢消

寂寞閒因筆陣費經營兔毫多爲臨池盡未信平生最

好生

自笑

衰年旅食每經年自笑家居但偶然得守揚雄一區宅  
誰思范蠡五湖船朝士有人寄書札後生求我收詩篇  
虛名那濟妻兒事只辦狂夫買酒錢

贈江都明府劉友山

劇縣爭傳政事優賢於種竹只風流農歡雪滿謝公墅  
賓醉月明蕭統樓萬戶笙歌無吏擾兩城花木待春遊  
邑有新  
城舊城老身難忘餘波及肯笑詩如杜甫愁

甲子七言絕句

送王子重吏部典試還朝



方王復繼歐梅事唱和終朝貢院中

子重與方渭仁翰林詞典試蜀中各

有詩一卷

此日

朝廷愛詞賦喜無蠶蟻怨詩翁

新看蜀士賦長楊不羨崔羣得美莊直似朱繩明似鏡  
歸朝只此荅君王

錦官城外杜公祠舉子能吟執事詩請託今無李權輿

定知君相不相疑

用唐人考功員外郎李昂典試事

舟泊八里江同董天池限韻二首

五月薰風滿畫船故人把酒對江天匡廬陶謝同遊地  
携手何時五老前

晚霞

迎朝風雨卧江船忽見紅霞抹遠天明日漁家應曬網

與渠同醉皖城前

題董天池行樂圖

圖中主人騎馬橫坐手掛長弓  
顧背後馬上童子素箭箭尚插

中

翩翩吾愛佳公子弱冠能文筆有神射虎山中人  
不識願隨李廣是詩人

策馬長松古道旁雄才應恥作詩狂清童亦勝巴童輩  
終日肩頭荷錦囊

人生行樂貴當年誰與林松倍有緣騎馬山中非汝事  
候朝多在五門前

石路揚鞭樂意多也知心性厭風波峭帆飛處船如馬

正恨青山瞬息過

吳生作此圖時天池  
正與余同坐嵩訪中

灑堂後集

卷之六

七

法雲寺同徐松之作

有序

揚州法雲寺舊有謝公手植雙檜樹唐人劉夢得溫  
飛卿皆有詩今雙檜無一存者惟銀杏樹當門一株  
庭前二株耳

古蹟何人弔謝安  
閑依詩老此盤桓  
僧家不識興亡恨  
銀杏還同檜樹看

附松之詩

謝安雙檜詠何頻  
銀杏空依短碣新  
也是參天庭下  
樹但論手植是何人

題韓醉白小像

醉白以上已日生真者因爲作修模圖

既向丹青識眉宇  
還逢袂袂想生辰  
安知不是再來者

四十一人中一人

王羲之與太原孫統等四十一人修禊於蘭亭

題王觀侯行樂圖

緩轡秋郊趣自真  
翩翩公子本西隣  
烏衣巷裏高門第  
不是尋常射獵人

抱琴童子每忘疲  
樹色中間景物奇  
但怪主人無一事  
今朝何處訪鍾期

乙丑五言古詩

雜詠五首呈玉峯中丞

古路

古路直如矢  
今人少行走  
徑捷荆棘多  
迂濶寧自守  
慙窮雖不免  
泣岐幸未有  
忽遇同心人  
此路長携手  
我知

君實賢

同馬君實與劉君同有今古詩君與滅明厚

古井

古井深且潔草中跡者難形擬  
堯民繁光知漢月寒豈望人汲  
引惟愁歲旱乾忽蒙長者獎此  
外皆狂瀾明日何所惠金瓶瑤  
爲欄

古琴

古琴惟自携入市無人愛  
竽聲滿齊廷羯鼓重唐代二  
物易逢時焦桐况復晦知音  
忽一顧從茲價十倍絃以  
園客絲詩罷定相對

古鏡

古鏡明月光掩閉不自虞  
如龍能應禱焰膽可驚魑

匣別來久塵暗亦堪吁忽蒙美人盼常與玉顏俱親手  
拭以粉背而繩用朱

古劍

古劍在土中無絲樹勲勞漢時驚白帝晉世入吳濤自  
被泉泥蝕坐使烽塵高忽蒙國士賞鋒芒憐久韜黃金  
飾其柄瑩以鸛鵒膏

乙丑七言古詩

題顧書先草堂圖

俊人復出大橋鎮氣猛心虛學日進草堂風景亦堪愛  
樹色難分園外內老夫局促城市中慙愧羊求難與同  
思君便欲騎蹇驢還挂一紙來借書

楊敘論 有序

楊廷璧字荆璞江都人也崇禎間以明經授廬州府學訓導尋遷舒城敘論壬午四月流賊張獻忠攻舒城荆璞分守城西門賊勢熾甚矢著竹猶督守不少懈是時史公道隣開府安慶謂兵且至圍即可解也乃舒有武弁孔某者與鄉紳胡有隙潛與賊通許爲內應城以是陷遂被執孔某方爲賊發蹤指示目荆璞曰此卽舒城所謂楊學師也勤於官請優禮錄用之荆璞唾其面大罵孔恚甚嗾賊急殺之荆璞子繼蕃字宸庶徵余詩

草寇公然亂天下當時釀禍惟公卿鼠竊狗偷大事去

兩黨門戶猶角爭坐視妖氛徧南北江湖血漲屍縱橫  
何況舒邑大如斗賊衆我寡鋒難禦猛士守之且無濟  
儒冠性命何太輕或謂師儒異保障斯言烏足知先生  
教諭亦受朝廷職敢比曾子居武城是時史公作開府  
孤忠人比蜀孔明先生日夜望圍解恃如范老富甲兵  
事與睢陽畧相似豈料奸人通賊營奸人武弁孔其姓  
勸賊好待楊先生汝雖姓孔不識字忍害桑梓危生靈  
吾死尙能爲厲鬼擊碎孤兎如雷霆賊猶知敬孔患甚  
嗚呼身死仁則成只今社稷亦久傾先生萬古垂大名

乙丑五言律詩

爲吳介茲悼亡次韻



留賓無佩贈，唯我敢忘之。雌劍幾時失，怪風終日吹。庭

花開似待

蘇軾迎內子詩：芍藥斬新裁，庭花數朵開。東風與約東，留待細君來。

春月好誰

知東坡王夫人謂春月色令人悽

慙東坡喜曰：吾不知子能詩耶？此真詩家語矣。

鰥

曠猶難作，何堪自撫兒。

高趣能偕隱，同心愛五湖。少君稱德配，潘岳讓賢夫。

史謂

岳性輕躁，趨世利，乾沒不已，以及於禍。

出絕牽衣問歸誰，鼓瑟俱鷄鳴。聞

懶起罷弋，實堪吁。

四海皆兄弟，君家未易忘。蘭交請窺視，

用山濤妻韓氏語：東隣阮事山

公與嵇阮笑合金蘭。

萊隱藉劬勩，自畫園棋局。鄰求釀酒方，到今

談往事，花落恨東皇。

白頭吟未有，本自異文君。志畏當墟辱，身同汲井勤。新

衣今已故連理昔難分除服詩雖好千秋那忍聞

責秀才有親已老而不能養者

桓公昔讀書堂下笑其粗桓公謂古人之所舉業況無益  
躬行誰有餘老人如病葉家計似枯魚怪爾不能養今  
之孝不如

乙丑七言律詩

贈揚州郡守崔蓮生遷兩淮鹽運道

太守廉名海內知理財重任亦難辭久因暮夜欽楊震  
却借貪泉試伯夷王政農商無異視遠方兵食况兼資  
莫言小綬凌雲翮他日鹽梅兆在茲

寄賀許師六登第

錦標奪得亦何遲姓字鷄林久其知定有宣公爲座主

貞元八年陸贄爲主司人稱其榜爲龍虎榜

况逢武帝想同時

今上方

羣

仙齊赴蓬萊路瑞羽初栖闥苑枝獨使故人常引領雲

泥隔絕最相思

賢愚

唐堯德足侔天地九子何如側陋親陶令家非無紙筆  
五男誰是讀書人賢愚久驗從來事花月休辜現在身  
老要墳田惟半畝怪君終日苦嗟貧

次張敦復學士賜金園春山八詠韻

嶺上雲

憑看舒卷總多姿俗客休嫌出岫遲冬嶺明因龍卧後

春山黑是雨來時紀官久聽千秋說抱日能令四海知  
轉怪陶公只自悅不妨宰相坐踈籬

原上村

望中桑柘覆長原別墅惟空此有軒隣少獵人搜虎穴  
歲無租吏打人門池魚入市誰爭價野火經春不記痕  
戰鬪息來荆棘盡免同杜老睡昏昏杜詩二月饒睡昏  
巷荆棘底敦復先生以  
養病暫歸故鄉故云

溪上路

獨步尋春首更回橋無白馬有青苔一羣水鳥啣魚去  
何寺山僧托鉢來歌是濯纓偏入聽交逢戴笠許相陪  
偶然村路看兒戲喝道誰防貴客猜

石上泉

風吹谷口送潺湲，日永山中似小年。  
觸熱何勞信行遠，杜詩信行遠修水筒云觸熱難于修通流與厠會尋源懶喚獠奴前。  
杜詩有示乍疑絲竹憑空響，復訝珠璣濺路圓。  
欲識賜金園子大，泉聲惟過此門偏。

池上梅

謝氏池塘少古柯，但誇春草奈君何。  
山鄉地僻花如笑，節序冬深水不波。  
寒鷺聞香眠處近，遊魚見影戲時多。  
世間尤物誰堪並，石湖以梅爲尤物寡和應同白雪歌。

巖上竹

留宿當時愛此君，自家賓客最殷勤。  
白樂天東樓竹詩樓上夜不歸此君

留我宿

何如久住山中屋一任閒梢嶺上雲漁截釣竿心

可忍鳳看梧樹意無分清音似爲知音奏神語鈞天夜

每聞

皮製美竹詩如神語鈞天

松上鶴

其訝高飛閬苑禽新來巖畔擇幽林久同鴛鴦翔翔倦  
却愛虬龍歲月深偃蓋難逢真得計鶴千歲巢於  
偃蓋之松乘軒  
雖好豈初心林逋亭榭終嫌窄爭似三山問舊岑

陌上花

潑眼春光陌上明紅塵香處馬蹄輕勾將蝶作探花使  
勸得人爭痛飲名狼藉定逢誰護惜留連獨覺有心情  
上林景物雖殊絕羯鼓何如社鼓聲

澗堂後集 卷之六

三

附張學士原韻

觸石排空總異姿，輕陰欲度綠溪遲。  
閑看舒卷爲霖日，多在徘徊出岫時。  
峰頂乍携雙袖滿，窓間潛潤七絃知。  
一從爛縵歌成後，常與山家護竹籬。

嶺上雲

數家砧杵隔寒原，一幅林巒對小軒。  
綠樹陰中聞水碓，夕陽多處見柴門。  
嵐光常借炊煙色，山徑新添野燒痕。  
昨日鄰翁歸較晚，犬聲如豹月黃昏。

原上村

山深溪徑自縈回，地僻人稀滿綠苔。  
春隴草生黃犢過，秋籬花發白衣來。  
偶添略約前邨近，閑倚孤筇野客陪。  
盡日總無車馬到，往還麋鹿莫驚猜。

溪上路

層巖飛瀑日潺湲，紫蘚青蒲不記年。  
自作雪霜幽壑

夷時聞琴筑小窓前影穿密樹千珠散潭聚遊魚一  
鏡圓不獨浮杯兼釀酒濯纓知向此中偏

吳上

無數瓊英點舊柯寒心相對欲如何高標自具神仙  
骨瘦影偏臨清淺波山鳥踏枝栖雪冷文魚吹浪暖  
花多放翁饒有關情句一度樽前一浩歌

池上

叢棘何堪翳此君剪除疏鑿不辭勤簞簞淨洗千竿  
翠巖谷新搜一片雲細路遠從山麓繞濃陰近傍石

泉分還期小構茆亭看解籜香風靜裏聞

巖上

翩翩雪羽九臯禽只合栖遲託茂林風勁乍聞松籟  
起夢醒猶憶海雲深開情蓬島當年事回首樊籠此  
日心寄問煙霄舊儔侶乘軒可似碧山岑

松上



踏歌南陌近清明短後新裁白紵輕舊過溪橋曾識  
路許多紅紫不知名橫侵屐齒騷人趣滿插釵頭少  
婦情社飲醉眠隨處好只愁風雨杜鵑聲

陌上花

附潘蜀藻次韻詩

如布如輪自弄姿欲隨春日共遲遲未能舒卷旋成  
雨且自網緼此一時觸石不難膚寸合爲霖須徧海  
壖知等閒持贈無人愛只合東溪守故籬

嶺上雲

平楚茫茫盡隰原采風誰復到輶軒鷄豚社裏花藏  
屋桑柘陰中人啓門處處各增新院落田田猶記舊  
潮痕晚來莫辨縱橫路一點春燈雨後昏

原上村

野徑橫橋往復回春泥香輭襯新苔沙平有篆牛羊

下水淺無人鷗鷺來垂釣每從漁父問杖藜時倩老

僧陪偶然行飯前溪去路本無岐不用猜

溪上路

逍遙谷裏聽潺湲一派清冷年復年乍出故山穿磽

底旋分新溜到池前亂飄霜雪水初解細碾珠璣月

倍圓却笑子荆太區別枕流漱石此間偏

石上

雪霜叢裏挺寒柯低亞清池可奈何玉骨最宜晴焰

水冰魂偏帶月凌波霜來雨露姿逾絕浴向華清冷

較多莫學白家老賓客更從池上狎笙歌

池上

覆我茅檐賴有君幾回攀翫不知勤迎風憂石如敲

玉倒影橫堦欲拂雲根帶蘚痕山雨濕梢穿崖壁嶺

煙分春來忽作鸞鳳嘯疑向崑崙頂上聞

巖上

霜翎丹頂本仙禽，愛掠春天碧樹林。  
遼海無家歸路遠，芝田有夢暮雲深。  
聊棲百尺虬龍上一展平生霄漢心，  
好共周顒伴松桂，移文免到北山岑。  
松上鶴  
紅塵紫陌百花明，勾惹香車蠟屐輕。  
游女折來如解語，歸熊滿把不知名。  
自開自落雖無主，春雨春風最有情。  
何必上林園錦幄，金鈴傳出護花聲。  
陌上花

次姚岍壺司馬最古園春山八詠韻

燒後草

春風有意尙尋根，野火驚心昨滿原。  
已分死灰憑造物，仍留生趣見王孫。  
焚餘竹冊曾難在，燬後桐陰更不繁。  
河畔青青獨如故，詩成爲爾淚雙痕。

接活樹

枝經割截似枯禪樹有重生悟宿緣李代桃僵真少福  
烏同鼠穴豈非天移花誰手千般巧結實君家一樣圓  
得藉曲成仍蔽芾正須狂喜底哀憐

分叢竹

幾家墻屋滿琅玕何可詩翁無一竿天上飢禽愁鳳鳥  
人中高士比袁安高季迪詠梅雪滿山中高士卧一聯自是佳句予謂若移上句贈竹乃更確絕  
移從午日魂猶醉斫馬騷經膽正寒李長古詩所取青光馬楚詞也  
除却此君來作友早防塗炭坐衣冠

初插柳

楊枝插處俯清冷爲要他時伴醉醒賓客尋來如栗里

灝堂後集

卷之六

六

兒童折得自旗亭河東暫許稱前輩天上齊堪並列星  
莫怪身低顏色醜春來還汝十分青

病愈鶴

息影松林更息機多時病瘦隔漁磯  
陷嫌遭射蓋同類

見陸龜蒙  
鶴媒歌

入屋防寒怕遠飛歐陽公鴈前兩白  
鶴畏寒每舍屋中舊主恩

深鳴肯歇春天力困舞猶稀從今永作蘓仙伴三百年

仍懶一歸

見神  
仙傳

脫鈎魚

歷盡風波遇釣緝艱難誰肯念遊鱗非緣楚國多漁父  
豈識西方有聖人碧海憑教長鼓鬣白龍或免更傷唇  
不然還是桃源去此路從來少問津

尋巢燕

飄零遠蟄在殊鄉

燕亦歸巢見文呂離錄

苦憶連雲舊處社堂巷

口猶猜朱雀近門中曾記鬱金香來時密札逢誰付計

日新雛待母將問爾呢喃何所道可知巢幕異巢梁

燕巢之所見雲苑雜錄

放生颺

萃蒿正美網羅侵得荷仁恩返舊岑傍母最憐求乳意

呼兒猶帶斷腸音西巴惻隱空師傳方朔詼諧在上林

武帝時有殺上林鹿者下有司收殺之方朔謂是固當死者三却笑吳唐何太忍空中

神語本難尋

附姚司馬原韻

萌芽又見發微根。衰白曾經火燎原。南陌去年來士

女。東皇新雨舊王孫。仍鋪小徑青鞋軟。薄襯寒沙翠

縠繁。抽盡寸心何可報。東風吹拂死灰痕。

燒後

悟來鋸義馬。鳴榔截斷纏連總。幻緣半死托根猶。故

土重生全節仗。高天花開異蘂增。千葉果結孫枝許

倍圓。顏色縱殊香未減。任人離合任人憐。

接活

東隣墻畔碧琅玕。親荷長鑱乞數竿。記取一枝分向

背。蚤開三徑問平安。影疎舊侶臨風遠。響和孤吟作

雨寒。敢就大師叅玉版。笋成先製籜龍冠。

分韻

山塘引瀑水。清冷欲學三眠伴。醉醒入夢低垂南北

浦。前身攀折短長亭。旋抽訝似支離肘。移植應同白

傅星不作溝中異時斷新條早映酒旗青

初柳

乘軒無夢久忘機瘦影同憐舊釣磯華表化時愁折

翼青城獵後悔孤飛高鳴休譜離絃怨試舞空翻倚

筍稀可似上林傳帛馬箭癡博得子卿歸

病愈

溪上纔看下釣緡竿頭攢刺尺纖鱗任公子豈同漁

父鄭大夫猶屬校人蔽葉橫塘驚匿影暖花清露惜

傷唇過河莫作枯魚泣歷盡危波不問津

脫釣魚

剪剪烏衣返故鄉也來幽谷問茆堂寧丁壘就巖花

密上戍泥沾社酒香常捲蘆簾惡出入儘多芹澗任

啣將似憐野老呢喃語不羨盧家玳瑁梁

蘇巢燕

鹿子離羣羅網侵百錢買得縱嶽岑斷腸母自悲誰



忍聚首生難敢擇育

音博叶陰  
今從本字

樵野幸非蕉覆夢芝

田歸去藥盈林雲泉百歲霜毛白可許宜春苑裏尋

放生  
纓

附潘蜀藻次韻詩

祇爲煙叢護弱根東郊一望滿平原火來更較花無

主陽轉還同竹有孫南浦文通才未盡西堂靈運思

仍繁香車陌上休輕碾幾度春風洗燒痕

燒後  
草

花神底愛野狐禪刀剪泥封似有緣斷續馬牛誰假

手轉移羸呂暗由天分苞須到開時見連理翻從接

後圓却怪東皇難自主春權偷去亦堪憐

接活  
樹

春郊是處長琅玕恨不移來千萬竿欲種蔣家三徑

滿好樓杜老一枝安翠搖石壁侵苔綠影入晴窓帶

雨寒豈獨菱荷衣可製籜成堪作竹皮冠

竹分最

一縷柔絲漾碧冷啼鶯驚起夢初醒愛他裊裊臨溪

水不爲勞勞送客亭鶴墜王恭年正少風流張緒贊

初補

無星從茲歲歲長條發祇有東風染得青

主人狎汝本無機春水同游釣月磯久困難將雙翻

舉乍調思傍九霄飛滿身霜雪何曾浣透頂丹砂未

病愈

覺稀恰似人民城郭改年深喜見令威歸

春水纔生有釣緜微波亦覺少恬鱗乞來碁几池中

物伴却江湖一散人涸轍重生仍比目侯鯖雖美免

暇釣

濡唇不知海上吞舟者何故揚鬣立要津

飛來飛去總他鄉此地原無王謝堂  
交剪似防春社雨穿林非愛杏花香  
烟迷故壘頻迴繞絮攪橫塘欲取將  
記得山家門巷在莫教才子歎空梁

羅集燕

雲泉深處雀羅侵縱爾還山認碧岑  
跂跂幸無觸壁恐吻吻好聽食苹音  
從今傍母眠幽草一任銜花入茂林  
悟却死生離合幻豈從蕉葉夢中尋

牧生覺

虎丘謁萊陽二姜先生祠

如農黃門如須行人

千人石側弔孤忠短簿難將俎豆同  
竹栢色濃花鳥裏弟兄名在史書中  
歌兒好唱迎神曲舞妓都聞折檻風  
半世僧裝成白首祠堂只合對生公

橋下停舟日已施堂前松竹翠如斯  
叟童似拜夷齊廟

子姪能傳軾轍詩異姓幾人堪配食同心難得是吟旌  
虎丘多少能吟鬼忠愛應尋杜拾遺

事見前  
明詩話

一自乾坤戰血腥二難踪跡久飄零名花此路輪唐棣

山下有花市

疏草當年痛鵲鴒風馬雲車念逆旅江神山鬼

藏英靈於今祠宇相望處虎阜真州與敬亭

如農先生  
蓋仕宰儀

真易翁時遇命埋骨敬亭山下故兩地亦皆有祠虎阜  
則先生與其弟如須移家吳門以後攜手同遊地也

二姜風節並義義涕淚誰如故老多長使鳳凰栖碧樹

豈令荆棘沒銅駝佳兒猶有殊方敬奸相曾無弔客過

試看賢愚身後事千秋勸戒欲如何

### 送繆墨書廷試北上

此去金臺路不迂若論郭隗豈吾徒至今鄉舉遵周典

宐有賢良並漢儒桃李開花迎帝輦驂駟步上天衢  
別君懶擬江生賦待聽鳴珂看棄繻

題史淑時悼亾諸體詩後

初看病熱已傷神取冷曾同奉倩身兩小相憐恐擇對  
一心偕老肯羞貧難逢才子作君子

詩君子好述

可識夫人

無美人最是桃花偏短命風風雨雨值今春

橋邊能笑野鴛鴦曲裏惟知愛鳳凰得婿公然如葛勃  
娶妻差不讓齊姜延醫那救千金體拜佛空殘一炷香  
仙女合歸瑤島去只憐潘岳苦悲傷

自從佳婦配佳兒雪鬢嬾姑爲展眉年小不愁夫婿賤  
才長錯怪侍兒痴可憐荳蔻含胎夜竟異蟠桃結子時

寄語多情善排遣秦樓東日亦西馳

對鏡欣看並蒂荷傾城名士意無他人稱婉弱空家易  
自詫遭逢折福多針線縱橫今若此琵琶暗啞爾如何  
莊生慣會欺人者此事猶能擊缶歌

附汪季月次韻詩

顧家新婦好丰神三五韶光二九身得嫁文園心已  
死便追桓少不辭貧豈知綠綠花花夢竟作朝朝暮  
暮人可惜天桃纔破嘴不教開滿一年春

畫屏十二紫鴛鴦誰解琴中鳳與凰好女已知歸屈  
宋外家真不羨姬姜登樓私語天應老擁被微吟齒  
亦香何事長生盟七夕寄愁埋恨兩心傷

後四句其實事也

青梅薦齒諱生兒但覺心情懶約眉病裏依然梳掠  
巧歡時每訝語言癡去年十月嘗夢日今歲重陽餽  
藥時不料綠華來頃刻風車雲馬忽星馳

一夕驚風剪敗荷誓同衾穴志無他羅巾欲盡才人  
少金梳重來鬼婦多酒冷香殘憐夜久春花秋月奈  
愁何四絃已付塵封了忍聽蘇嘗懊惱歌

汪季由十二硯齋落成詩以賀之

偶然得夢便名齋十五年中願始諧磨墨吮毫真快意  
求田問舍豈吾儕天教詩筆傳千載地足煙花是兩淮  
却笑翟公才思少底須賓客惱胸懷

書豈三冬方足用竹當臘月正須栽詩人曾釀蒲萄否

賀客今先燕雀來  
雨後千家修第宅  
城西十里滿樓臺  
與身有分心歡喜  
惟是高齋數往回

嚴寒覩芭蕉欲死狀感賦

從卷得舒心可愛  
因衰致盡象堪驚  
貧家失爾書難長  
雨夜從今夢易成  
處世何人兼五福  
求仙幾箇得長生  
此身亦是霜中草  
莫怪相看少嘆聲

丙寅五言古詩

贈趙中丞

越人攀轅時吳人日歡呼  
歡呼何所云湯趙德相符  
兩地山水鄉居官多自娛  
兩公慕周召不屑比白蕪  
相繼豈易得士民福何如  
皇帝昨東巡鑾輿止吳都  
疾苦



蒙 清問念此財賦區江海爲咽喉風俗况可虞知人  
復善任重地付大儒惟公識治體激揚首所圖好惡源  
旣清政事乃其餘居寵不知驚豈獨器量殊蓋自講學  
來體驗未嘗疎我老詞樸拙不足揚討謨但願正直人  
慎終常如初

舟中晤丘曙戒太史有感而作

束裝歲已晏行舟河復塞坐看日東西不離玉山側江  
山豈不佳客心正悽惻我友着衰絰所憐面深墨胡然  
有此行亦以酬罔極義不辱先人言之涕沾臆示我立  
後說一惟古訓式歐陽昔多悔儀禮未有得經學苟不  
明仁義生荆棘語畢聞潮鳴江神最正直所助惟善人

前途忽可卽我病眠常早枕上增嘆息

丙寅七言古詩

爲郝子相題所藏周東村蘭亭圖

蘭亭梓澤已同廢羣賢觴詠安可追今朝忽見周臣畫

茂林修竹宛在茲亦如章草久亡失得書煥若神明時

見東亮與嘉靖年間數好手臣也何慙老畫師人生遭

遇各有命山水之樂毋輕違舞雩詠歸聖所與虛誕妄

作渠何爲蘭亭集序云故知一死生吾家廷尉同此集

前後兩序如壘甃新故相換乃常理今日明日成推移

興公蘭亭集後序有云往復推移新故相換四十餘人

今日之迹明復陳矣此與王序意畧同也誰在者惟有詩文名永垂良辰美景况難負如何忍空

手中卮知人論世我何有却因看畫重有思右軍本自  
經世士發論往往關安危治賊能諫謝安石子弟乃愧  
王坦之名山滄海願偶遂心輕懷祖良非空每聞角聲  
輒洒掃經年不使親光儀恃才傲物亦已甚遣使詣朝  
母乃遲王述既業顯授義之恥鳥之下遣使詣朝廷可  
求分會稽爲越州行人夫辭大爲時賢所笑可  
惜平生最骨鯁投老終日惟遊嬉不樂京師雖本性豈  
料去郡遽如斯題圖作歌示我友偶述所見非箴規

勸酒三章壽閭再彭

菊花爛熳重陽後賀客滿堂勸壽酒勸酒何所云浮丘  
在左洪崖右先生著作數千首笑謂頑仙安足友

小山叢桂前月開堂中桂酒盈尊罍尊前誰可擬枚乘

父子皆高才先生謝客誠有哉久奪盛名吾自吟  
賞菊他鄉如故里文孫舉酒前長跪勸祖滿飲之吾家  
福勝文中子書不待補完且美王勃爲文中子之孫文至初始補完政逸眼中親見蘭焚藁

丙寅五言律詩

秋來數飲十二硯齋中留詠三首

老病誰相念招尋爾未踈月昏頻拄杖室邇省肩輿種  
竹聞佳詠謀金買異書門前多載酒任醉子雲居

幾載京華客懷山夢薜蘿如今風雨夜聯榻快吟哦見示  
弟兄唱和諸作高閣初聞鴈低田正刈禾除書知懶閱林下故

人多

羅雀門難比登龍客所望論文秋月夜得友少年場中

顧書先史淑時並少年高才

不盡東南寶爭開蘭菊芳先生如薛市

一顧價齊昂

李白上韓荆州書青萍結緣長價於薛下之門

附汪季月荅詩

見客與煩事不堪心性疎

王逸小云爲不喜見客爲不堪煩事

飢惟甘

說餅名恥問題興割食存餘力多方買舊書豈愁難

字過楊子對門居

二

牀幃開蟋蟀霜雪壓藤蘿時已三秋改詩懶五字哦

禦寒儲酒本筭口計田禾一飽無他慮招尋不厭多

三

譽客心都藏藏身是所望與君同晚境閱世幾名場  
殘菊枝空臥寒梅亦漸芳肯來疏草木譚幘任低昂  
重陽後宗鶴問訓導自貴池至見訪

忽忽三年別滔滔一水深五經誰在口四海幾同心爾  
繼謫仙後能爲秋浦吟黃花開正好有酒日追尋  
送門人董致平之南城任

本是貴公子今將仙令同堂中宓子賤治下呂南公地  
勢連閩粵人家映橘楓秦峰陽眺處肯復憶秦翁

二

從來爲宰者撫字勝催科此路甘棠在當時戰馬多中  
丞今有子父老喜如何爭獻豚姑酒家家舞且歌

丙寅七言律詩

雪後畏寒早睡

晚景何堪生事微，惟恐早睡避寒威。  
經旬積雪忘春至，每夜登牀似客歸。  
妾能煖老如燕玉，夢不求人救晉饑。  
忽憶前賢貧太甚，陶家無被杜無衣。

無衣牀  
夜寒

生日酬汪季角見贈詩次韻

性同任懶愛深坊，張籍贈任漸詩未肯求仕序深坊且隱居自喜雙眉滿雪。  
霜我是匏瓜宐不食，君如美玉豈終藏。  
八年離別時雖久，四月過從日正長。  
更荷豪吟能勸醉，欲驕舞席與歌場。

附汪季角原韻 八載不爲漑堂上壽今年生日  
兩人都暇口占稱祝爲喜可知

少壯同居履道坊先生鬚髮已先霜兩人踪跡分南北  
一樣飄蓬合退藏櫻笋盤筵身最健清和風景日  
初長自今爾汝持觴勸大笑應須十萬場

生日酬汪叔定次令弟韻見贈詩

難覓無塵洛下坊亦無仙鶴翻如霜

白樂天洛下卜居詩蓬蒿無塵坊仍

或自水宅又云問龍族新請

惟欣好友居偏近頻枉新詩篋每藏禽

自飢來憑羽倦馬因老去厭途長栢屋男女真難學那

得椿年樂性場

栢屋老人自號無名先生男削髮女黃冠

性場長男棲月宇少女炫

竟裳性場一作道場以詩云古也憂婚嫁君能樂



附叔定詩

玄真未立志和坊老日頻沾客路霜歸棹正分廉吏  
俸謀尊不問細君藏金衣公子新聲緩玉版禪師道  
味長但願年年常不出齊眉繞膝是歡場

督學李維饒試士揚州有贈

文星何意焰江潯螢案蓬門喜不禁能讀父書推庾信  
蚤傳經學是劉歆劍有奇逢成五彩馬無凡骨忽千金  
自從桃李盈門後

先生曾典試秦中

芍藥瓊花此路尋

月色蕪城自古傳眼明如鏡闌嬋娟獨將韓柳飲猶醺  
盡抹風雲月露篇趨口羣流歸大海揚眉寒士趁芳春  
天陳琳曹憲名雖盛若到龍門也執鞭

時以他冬試上

終